

續修四庫全書

《續修四庫全書》編纂委員會編

續修四庫全書

上海古籍出版社

一三八三・集部・別集類

陳太史無夢園初集三十四卷（駐集三至駐集四、江集、干集）

〔明〕陳仁錫撰

一

無夢園遺集八卷〔明〕陳仁錫撰

三四三

陳太史無夢園初集

古吳陳仁錫明卿父著

隋朱先儒贊

隋王仲淹先生

久久臨事當自知之能於臨事得力九師可以無與三傳可以不作元經可以無述

宋胡翼之先生

女子貞不字十年乃字使居太山十年而不以師道聞則鴻陵於陵不孕不育也已故先生教

無夢園集 駐三

以治事爲先

李挺之先生

圖南以來而穆而李三傳及邵枉康節之廬不速之客敬之終吉有以夫

邵堯夫先生

明道先生誌堯夫墓曰就所至而論可謂安且成矣不禪伯不方士不修鍊余表此三言爲胡行亂走一坊噫三十而歸道在是矣臥安樂窩不出此味少人知

周茂叔先生

明道附

先生始祿安南程大中判軍事使二子受業而以樂意薰伯淳安石三謂不見後官江東先生過之語移時始退而精思之謂李初平曰公老無及矣請爲言之且學不專在書伊川聞堯夫語曰平生惟見周茂叔論至此而茂叔之論不傳嗟嗟公以清獻之賢猶熟視其所爲士可謬附知已哉明道其伯仲歟

程伊川先生

無夢園集 駐三

先生在涪註周易還洛容色髭髮皆勝平昔自謂學力噫學之貴力也如此始甚愛表記中君子莊敬日強安肆日偷二語守爲學要崇寧追毀文字先生亦自止四方學者不必及吾門各自努力耳

朱紫陽先生

先生之學大行于我 明尊朱註所以尊周程也我行黃巖入先生祠問當年水利田功一郡賴之與濂溪明道並稱有用道學其濟物也未

呂原明先生

先生居宿州真楊間十餘年或至絕糧數日每日讀易一爻不以毫髮事干人詩云除却借書沽酒外更無一字擾公私

張橫渠先生

先生云事親奉祭豈可使人爲之告君曰爲治不法三代終苟道也其需行者乎一人雷行一人无妄天下雷行天下无妄故非禮弗履法大壯之雷也

無夢園集 駐三

三

謝顯道先生

先生事純公扶溝時請歸蔡應舉公曰何爲不就太學試也公曰蔡人眇習戴記決科利耳曰是心不可入堯舜之道矣遂留太學試亦得舉自是篤信于命平生未嘗干人在書局亦不謁執政曰彼安能陶鑄我我自命若信不及風吹草動便生恐懼憂喜信得及便養得氣不挫折卓哉

尹和靖先生

先生弘毅士也伊川言晚得二士張驛俊尹焞魯俊恐他日過之魯者終有守方赴召時祭告正公墓而後行曰能行所學未也不辱師門則有之嗟乎有守不辱可謂士矣高宗稱其所行盡一部論語有以哉

朱公掞先生

先生少受學于胡安定已從孫復受春秋已又從二先生于洛頴昌謁明道歸每謂春風中坐三月學道愛人以公勤事力排釋攷正公祭之文以爲篤學力行至于沒齒不渝

無夢園集 駐三

四

呂和叔先生

先生兄大忠知秦州馬涓以進士舉首爲判官頗倨公與言叢科舉之學今無所用修身爲己之學不可不勉正公稱其老而好學理會到底

呂與叔先生

正公曰和叔任道擔當風力甚勁然深潛緘密不逮與叔又曰六月中嘗窺之必儼然危坐愚按純公所與深言者謝之天淵呂之識仁而且

故曰中人以上可以語上

台州府天寧寺自來羅漢贊

大聖迦葉波尊者

是彌勒非彌勒斜笑壁上花星斗眉羅織不怕人不識

啓教阿難陀尊者

手中無獅獅亦吼眉結巖萬重不作人間縹黑而癯刪盡文字魔木落山容瘦

應供賓頭盧尊者

無夢園集

駐三

五

經在掌中月在天姿經殘月不了意中自了了吾亦讀書人眼際時縹緲

靖住山中難底迦多羅尊者

飛來應

飛來何不飛去一動不如一靜動靜豈有兩般此座應須精進

西瞿耶尼州賓頭盧尊者

眉如蓋口如鎗灌頂藏明珠不众之庭鍊丹藥迦葉彌羅國迦諾迦尊者

在險亦不驚入定機常枯坐尊溷濤逆浪中雲

漫漫兮水活活

東勝神州跋哩陀闍尊者

彌勒笑尊者尊者笑彌勒不笑嗔癡人不笑極樂國得意欲無言大道非空色

耽鉢羅州跋羅陀尊者

昔從天戒至又向越山行爲賦無衣者夢回仔細尋緊將珠在手一任龍自吟足踏龍宮裡小心祇既平

迦葉彌羅國謹諾迦尊者

無夢園集

駐三

六

昨在大龍湫知尊觀瀑意不雷亦不霆如如慈水愁坐君羅漢洞髯根與雲砌何地無雁山此中自遊戲

西上一尊

鸚鵡巖邊坐寒拾泗州巖上壘奇石慈容道味頻招手一切咸歸無畏室

西二尊

腕中能出維摩詰劬老骨凝皆熱血挑得明星在枝頭頭顱如珠無員缺

西三尊

眼底都是摩尼珠手中却繡山河譜笑彼補天
不補衣雲破月來何處補

第四尊

一坐春風三個月蓮花半開楓芳潔孤根寧住
泥淖理雙眼肯容飛玉屑

集部

註三

邵鹿麟論贊

康衢三世以孝聞聞諸朱完天不知其人視其
友也五龍堂晤康衢古君子也乃致行述於京
師鹿麟公才高而乙榜年少而修文召之不與
世人爭名壽耳然孝友者古今顯名大年也劉
元城一生不妄語歿而雷轟于壁其氣聚也人
能以雲雨施人以雷霆嚴已可斯須放哉士人
不能挽回風俗卽是敗壞風俗凡家國治亂之
端必有自始太伯至德治之始也夫差至奢亂

無夢園集

卷三

之始也今爲夫差之裔甚多吾安得不表章邵
氏以砥末世哉

建文昌閣疏

予丑爲吳中一開闢廟既拓右社復恢左偏之樓以居文昌甚盛舉世界一開闢也文章一開闢也地闢則天開文章之先構基世界之先構局也然則光輔

聖主肅清夷虜急救孑殘之一大局矣此一篇大文字如何下手文昌云凡大比先較德業之短長故有司始定文章之優劣不可謂前定而不能力學豈可以宿緣而自怠操修善哉言乎

無夢園集 駐三

九

天助順人助信至精也至變也非天下之至神孰與於此仁孝先生曰天何以明人何以暗天何以高人何以卑蓋文昌居高明之位願與高明者商之也非爲道士說法

題接引寺準提閣疏

稽古利于婁江建新築於接待座繞菰蘆漁唱半天齊梵語路迷蓁蕪鍾聲千里響祇園幹老蟄龍知樹同金粟屋摧隄鼠竄花落雲名迹苔封古道栢松三徑寂遺文蘚剝斷碑風雨五更愁爰者正林誓開弘願啓白社以延佛母借半領之袈裟遠紅塵而建小龕刻一礎于兜率車鄰鄰而來止聯停紫馬大夫花對對以成群門送青旗帝子年年歲歲爭看城市之觀往往

無夢園集 駐三

十

來來幾作驛騷之費空中之樓閣未成道傍之屋舍難就惟資檀越願長者盡破慳囊殊種因緣隨居士普齊道念金刀錢布十方來貝葉之施鉢黍絲麻一木支蘭若之室茲旣赤手無帑惟藉綠文敷賁謹題數語聊附後言疏

乞為海忠介公題請建祠呈文采略周綸
故南京都察院右都御史前巡撫應天等處地
方右副都御史海忠介公抗節忘身藉甚
肅皇之世起家總憲簡在

神廟之心顧惟保障東南之功土人可無崇祀
蓋茲重地寔係天下安危自公下車豁里正賦
長之橫征不經無藝之苛征布人于敵體衙門
朝夕登記設或有不公事件鉅細必知白茆躬
巡草礫之間烏府口勞邦纂之衆給工倚辦則

無夢園集

駐三

七

梓間州庫散寄賦以沙饒為名者萬金用力不
勞繇虔祀海神感同風而潮汐不沸者五日適
當隆慶己巳水滔天之後不減宣德辛亥米鋪
地之時然終不問催科唯勤撫字夏忠靖之日
夜經畫而兼况守之簡約易行周文襄之撫安
軍民而兼胡卿之祛除民害日常鮭菜必出俸
錢駐劄衙門不煩供帳羣小側目姦佞甘心一
葉還鄉萬民揮淚且碑去思者或因以干澤立
生祠者或藉以納交今則楚相極貧莫弔凄凉

之餓鬼羊公無後空招寂寞之忠魂伏望題請
賜額辦構專祠豈徒一時僉議之公寔裨萬古
風教之大右故隱士徐浪峯應雷擬撰而予為
損益字句嘗語人曰祀周夏二公而不祀海忠
介吳人薄矣乃周綿貞中丞以逆璫被逮又多
惠政人心不死忍忽然乎

無夢園集

駐三

十二

題春湖詞

嘗笑紅粉心長節俠氣短西湖不然節俠心卽
紅粉心拜岳先生齒牙盡裂纔過第一橋渾眼
嬌粉以此二障牽惹湖光消去一半夫縞衣茶
巾齒于螭螭衷懷悵咤駕云義憤緣紅粉心不
真耳初抵杭忽見撩草人如覩西湖面古今懷
古詩鷓鴣宮艸一經摹擬便成醜惡詞云見說
當年歌舞地錢塘三日斷江潮便老勁他詩稱
是月之十泊岳墳坐樓舟美人躍馬如飛電琵琶

無夢園集

駐三

三

琵琶盡第三橋歸作春湖詞序

明聖湖百咏題詞

廷綸生京口振海門之險長江四塞以土風淺
麗負缺行塞上孤城落日擬古出塞鏡歌大將
軍令帳下健兒擊銅板和退而春星老矣一日
慕西湖摩娑老眼湖上逐妖童豔女爲賦詞以
辱之歎曰以媚送媚丈夫鬚眉盡矣得無破損
湖山乎哉所著百咏間寫孤松瑯玕置孤山風
雨與蒼髯對蕭然敝索載湖山歸其人老蒼其
詩雄宕予晝夜狎兩湖一日屑願萬松嶺而上

無夢園集

駐三

百

東對大海幾並席狎處者不尊人自媚西湖耳
狼居長城摧殘壯骨山爲作氣西湖日昵兒女
亦兒女昵之不知記稱錢王恭順代不被兵父
老歌舞至今不絕豈嫫燕山之石哉夫弔忠臣
義士裹革投鞭之塲則悄然而恐攀冶夫游女
拾翠驕春之地則爾然無生氣此于游道槩未
有聞廷綸固宜羽扇綸巾揮手招三丰長作西
湖老尊宿

祁司馬藏書約跋

山谷云元濟在東坡雲霧之中風氣殊勝由此觀之人豈可不擇交游親戚耶先生令長洲漕被災百萬枯魚手掌中用古人一字一句不著先生咄嗟立應以此知先生真能讀書今官司馬旰飢軍國疆圉大計繼自今晉陟卿貳諸轄畧必不索取蠹簡中卽先生上下經史數年來與蒙商量必犧胷中真有完書而不以示人頃先生使事還里及涖白下纔數易朔鱗鴻往返

無夢園集

卷三

五

必辱千言如決西江之水然惟黽勉勸讀書而不輕以示蒙頃方下堯峰好音自金陵來紫氣浮動私計函關五千開械莊誦僅約藏書以知此先生之神速矣蒙自屈首受書當其得意如逢故人疑難交送方據梧兀思書輒掉臂不顧而先生與爲賓朋與爲姻婭苑囿以居之徒侶以樂之明月以談之清風以來之而書亦效且笑于先生之側書于先生如嶺出雲如竹解箨予于書如臧牧羊如山登驚噫書亦可不擇

交游親戚耶

無夢園集

卷三

六

跋吳文定公謝恩表草後

此文定公初見 君父語暨公侍

康陵東宮侍豎數移事間講讀公疏曰仰唯

東宮講學寒暑風雨則止朔望令節則止一歲

不過數月一月不過數日一日不過數刻借曰

習讀于內不若就傳于外 上嘉納弘治初年

議

孝肅太后公面奏曰魯頌善嫺闕宮春秋考仲

子之宮皆別廟至宋始有並祔其禮已謬然皆

無夢園集 註三

七

諸帝繼室作配天子非後世子孫嗣承帝位尊

崇所生者惟宋李宸妃歿仁宗傷痛始追尊祔

祭非禮不足爲法宜改祀 奉慈在 奉先殿

西 上喜曰大義深恩並行不悖立朝大節載

在 國史與先中丞成齋公同心事 主仁復

得交公孫 繹貌惺如廉直好修一日出圖表

相示敢僭述云

跋吳頤山紀事

義興吳頤山先生素知第一流也余艱於嗣漢

長者諱企以前記相勗日銘諸座丙辰歸十日

舉一子緬惟哲人永矢勿諼忽聖鄰以先生集

貽我卽余夢寐之先民也又知虬泉先生世其

行學今諸孫玉立聖鄰相訂皆世外語余迂士

也聖鄰寧好其迂而爲庸俗所嘲且指者知已

實難宜共冰惕危使平易使傾中庸於福位名

壽立傾者覆之一榜爲富貴入開眼夫以歡喜

無夢園集

註三

十六

心慕義不若以恐懼心積德在得意場中回頭

畧認面目大可懼也

跋施捨文定公真蹟二十一帖

家藏此帖二十一幅風雨晦明每諦觀之置身成弘德音來括一日登堯峯禮公像躋妙高峯笑語落太湖遂欲出此鎮之乃於三月十七日祭我公受益亭以家藏集十本致德錄一本同此帖施寺供奉寺僧覺宇余鑒其朴誠手授焉後之守者尚有感于斯言不然與廣明之焚此者一也

傅氏藏王孝子手札跋

余携王少湖先生書入京邸時車馬襍沓間華職方鳳超年兄聞而知之遽馳尺一相索喟然歎吾道不孤蓋余與鳳超同受易于錢啓翁業師之門也既蒙

上俞監臣言擬議崇祀余謂躬行君子發六經之精蘊如王錢兩先生真不愧云余少事先王父每稱王孝子不置且諄諄語曰緊惟誠意洋溢卽儀文纖毫未嘗虧減也余自入仕見郡中

祠宏構新鬼大而醜當建特祠焉因刻其書猶恐負先生提撕終夜悔過內自訟中懷怵惕憤乎見之傳子成先生以門弟子周旋數十年稱爲大序可稱入孝子之室矣是時子成居王父喪絕葷酒寢苦塊有過人者集成手札子仲素謂之終身偶披一讀云昨慮認病不真恐不可輕試藥物乃謹疾之道當如是耳又云病小愈乃過勞是以復病危平易傾之道甚大固百物不廢者可不念諸噫父母惟其疾之憂先生

真父母也無有師保如臨父母憂患與故有先生詔告之道其可明也哉身其可保也哉

跋文徵仲所書徐氏先誌

徐一蕃先生長沙誌之待詔書而贊之正德迄今

上乙丑手蹟猶新贊稱和而不可以同惠而弗有其功想見成弘人物務依忠厚振之五代孫能自刻厲金不入帑馬不入廐山行不避兕虎此碑神物護呵不歸振之而誰歸也

跋徐霞客遊盤山黃石齋贈詩卷

霞客游甚奇無如盤山一游余歸自寧錦憩山海喜永平山水甚駐釣臺俯危石一過崆峒訪道之處有盤山焉竟數日不能去所見古松百株半挂藤蘿半星斗疑野僧疑詩鬼歸示霞客霞客踵及燕山劒及雲中無何而虜至嗟乎將吏如君半肩行李無疑無怖名王不足繫也霞客著屐破旃裘石齋落筆驚風雨故宜兩絕余題卷並在丹陽道中

無夢園集 註三

三

毛孝廉行事跋

漢舉孝廉詔不舉者罪上又原高年給胎穀賜酒醢風之宜矜刻踣厲卓行不絕書何寥寥也豈比戶可封歟萬石君父子逡巡雌節耳遠仰之如景星祥雲瑞芝秀草何歟觀毛孝廉出季金却季金勿令子孫書子孫書而復段仁心爲質可以風矣推索伯季揚芳州郡世有令聞哉故上以實求之下以名應之漢家詔書也上以名求之以實應之毛氏家學也抑或漢以實求而其主外施仁義欲微跡弛泛駕奇材異能使絕國者反出於名嗟乎士未有不真廉而能孝者西漢之末士大夫安於蛟龍之豢養夫可得而參養之不知其爲蛟龍否也當是時有一解組挂冠者出天下壯之學士歌之車若何馬若何悉數而手識之則夫未及引年高馳不顧僅憲老乞言光照郡國乎哉

無夢園集 註三

三

瑞光募緣文跋

居士題放生會云據實而語之又銖銖而數之
似于不住相布施義不相應而識得此銖銖而
數者皆幻也幻數因幻夢而集也緣此幻夢幻
數而姑幻施之幻活之施與所施者活與能活
者俱幻也俱幻則俱不住相布施也以戀故常
亡以捨故常在既已捨矣何常在哉坡不幾失
言乎此春夢婆之所以掉頭也無異扁鵲之見
桓侯也

無夢園集 駐三

七

洪半石年兄惠泉詩跋

人自第一泉自第二若逢逕世者流二吾猶不
足此中冷之一非其一惠泉之二非其二也此
太守月給三十甕分水相餉而予讀書金山十
日三過郭璞墓有泉泓然題曰眠影惜不與太
守共嘗之也二泉六井真堪絕對太守能爲鄴
侯予亦不失鴻漸矣渴止評詩詩與茗與泉白
戰而賀戰勝者在太守之詩

無夢園集 駐三

七

止贖題言

止贖贖自此止也何爲有此感甲子之災也
繼自今不復吐一辭矣

性不工詩代又不屑充厥作序未有王唐時文
秦漢古文而須題端者也如其不爾譽言何益
噫士固有恥賀秩獻壽碑德其文諂濫緣疏侈
薦贖其文乞乞與諂文之下也弗爲之矣

無夢園集

駐三

三六

夜臺說

夜臺師夜游五臺手握鐵杖騎虜婦遺大青馬
踏海端坐飛浪壯矣僵槁積雪中昇歸乃熱其
骨可以做虎而不能凌霜何居客不能答予曰
此現踏海相耳以積雪死以白浪生何怪哉

無夢園集

駐三

三三